



COMISSÃO DE INFRAESTRUTURAS

RELATÓRIU FISKALIZASAUN IHA MUNISÍPIU ERMERA 24 - 26 NOVEMBRU 2020



Prepara husi:

Joaquim da Silva Xavier ho Eng. Gui Daniel

SUMÁRIU:

- I. INTRODUSAUN
- II. AUTORIZASAUN
- III. KOMPOZISAUN DELEGASAUN
- IV. OBJETIVU VIZITA
- V. PROGRAMA VIZITA
- VI. KONKLUZAUN
- VII. REKOMENDASAUN
- VIII. APROVASAUN
- IX. ANEXU

I. INTRODUSAUN

Komisaun E Parlamentu Nasional mak, Komisaun Permanente ne’ebé asegura iha orgânika Rejimental Parlamentu Nasional Timor-Leste, ho knar ba akompanhamentu iha âmbitu espesialidade nian, ne’ebé ligadu ho asuntu ho matéria sira hanesan:

- (i) Kona ba atividade lejislativa
- (ii) Kona ba kontrolu no fiskalizasaun ba atividade sira Governu nian ne’ebé hatur iha Rejimentu Parlamentu Nasional número 3 artigu 95.^º no número 3 artigu 145.^º Konstituisaun Repúblika Demokrática Timor-Leste, no alínea c) artigu 35.^º no artigo 79.^º, tamba ne’e, realizasaun ba vizita ida ne’e organiza tuir dispozisaun rejimental ne’ebé iha.

Rejimentu Parlamentu Nasional, fo Kompetênsia ba Komisaun Espesializada Permanente sira, hodi hatene tuir asuntu sira político, administrativu no apresia atu sira Governu nian;

Visita téknika ne’e enkuadra tuir Planu atividade Komisaun E nian ba tinan 2020 no Planu vizita ne’e hetan aprovasaun husi deliberasaun reuniaun Komisaun loron 29 Outubru 2020 ne’ebé defini vizita trabalhu ba Munisípiu Ermera ho objetivu atu observa kondisaun jeral atividade servisu Administrasaun ligadu ho projeto sira infraestrutura inklui halibur informasaun importante kona ba dezáfiu no obstáculo enfrentada.

Informasaun Jeral Munisípiu Ermera Jeográficamente iha luan 746 km² ho populasaun nain 125,702 tuir sensus 2015. Administrasaun Municipal Ermera iha Postu Administrativu 5, suku 52 no aldeia 277.

II. AUTORIZASAUN

Iha deliberasaun reuniaun Komisaun E ne’ebé realiza iha loron 29 fulan Outubru 2020, hodi deside vizita fiskalizasaun ba Munisípiu Ermera.

III. KOMPOZISAUN DELEGASAUN

Delegasaun vizita komposta husi:

- | | |
|---|----------------------------|
| 1. Deputadu Abel Pires da Silva | (Prezidente Komisaun) |
| 2. Deputadu Fabião de Oliveira | (Vice Prezidente Komisaun) |
| 3. Deputada Maria Anabela Savio | (Sekretária) |
| 4. Deputadu Arão noé de Jesus da Costa Amaral | (Membru) |
| 5. Deputadu Marcos Xavier | (Membru) |
| 6. Deputadu Domingos Carvalho de Araújo | (Membru) |
| 7. Deputadu Mariano Fatubai Mota | (Membru) |
| 8. Deputadu Francisco David X. Carlos | (Membru) |
| 9. Deputada Irene Sarmento | (Membru) |
| 10. Deputadu Adriano do Nascimento | (Membru) |

Akompanha husi Tékniku Komisaun: Joaquim da Silva Xavier ho Engenheiro Gui Daniel inklui Escoltu 2 no Jornalista 1.

IV. OBJETIVU VIZITA

Atu observa servisu sira administrasaun pública ligadu ho projetu infraestrutura implementada sira no ezekusaun orsamentu iha kapital dezenvolvimentu prinsipalmente ba projetu PDIM, PNDS no Linha Ministérial sira inklui halao vizita ba edifísiu eskritóriu Governu hanesan eskritóriu Ministériu Obras Publika (MOP), SAS no EDTL. Iha sikun seluk, vizita refere mos ho intemsau atu responde ba preokupasaun no reklamasaun husi komunidade sira ligadu ho fatin/terenu balun ne'ebé mak iha potênsia ba risku estragu (danos) ne'ebé fo ameasa ba komunidade sira nian hela fatin no ba seguransa moris.

V. PROGRAMA VIZITA

Vizita téknika ne'e tuir ajenda ne'ebé deside hó programa hanesan tuir mai:

1. Reunião ho Presidente Município Ermera ho nia estrutura;
2. Visita ba Edifício escritório MOP

3. Visita ba Edifício SAS;
4. Visita ba Edifício EDTL
5. Observa ba Construção Gabião Mota Fatukeru;
6. Observa ba Projeto estrada Ermera-Fatubesi km 11+810m;

5.1. Audiênsia ho Secretario Munisipal no Diretores Linha Sektoriais

Audiênsia ne'e realiza iha loron 24 Novembru 2020 óras 09:30-11:00 iha Sala Reunião CNE Munisipal, ne'ebé simu husi Adjuntu Prezidente Munisípiu Ermera ho nia estrutura ne'ebé hato'o agradesimentu ba delegasaun Komisaun E, hodi fó tempu ona mai vizita iha Munisípiu Ermera tuir knar fiskalizasaun no política hodi observa kondisaun jeral servisu Administrasaun iha Munisípiu Ermera no fiskaliza diretamente ba implementasaun projetu sira iha terenu iha âmbitu Kapital Dezenvolvimentu.

Iha audiênsia ne'e, inisialmente Prezidente Komissão E Sr. Deputadu Abel Pires da Silva lori naran Komisaun E hato'o agradesimentu ba disponibilidade Adjuntu Prezidente Munisípiu Ermera ho estrutura hotu hodi simu vizita Delegasaun Komisaun E nune'e mos akresenta objetivu husi vizita, mak hanesan:

1. Observa andamentu ba progresu servisu atual sira iha Administrasaun Munisípiu Ermera ligadu ho implementasaun projetu infraestrutura bázika sira;
2. Halo observasaun ba edifísiu hanesan MOP, SAS no ADN;
3. Halo observasaun no rekolla informasaun ho projetu infraestrutura sira, prinsipalmente projetu PDIM no PNDS ne'ebé mak nia planu no implementasaun mai husi baze ká introdus tuir definisaun husi Autoridade lokal sira ho baze prioridade ho nesesidade sira;
4. Rekolha informasaun pertinente ká urgente kona ba dezáfiu sira no obstáku ba projetu implementadu sira ne'ebé iha kontratu no mos laiha kontratu;
5. Konsolida papel fiskalizasaun Komisaun E ba projetu sira no administrasaun ne'ebé integra iha atribuisaun tarefa sira Komisaun E.

KUESTAUN ABORDADA SIRA;

Iha reuniaun refere Membru Deputadu sira hato'o **intervensaun sira** mak hanesan:

1. Implementasaun Projetu PDIM no PNDS durante tinan 2019 to'o 2020 hira mak konkluí ona no hira mak sidauk, nune'e submete ba progresu pagamentu hira mak selu ona no hira mak sidauk selu;
2. Benefísiu direta no indireta husi implementasaun projetu sira iha Munisípiu Ermera inklui nia problema no susesu;
3. Nesesáriu atu elabora informasaun detalhadu ba projetu implementadu hotu iha Munisípiu Ermera nudar referênsia no *base de dados* ba Autoridade Munisípiu dezignadamente atu monitoriza, kontrola no bele providensia informasaun sira ba Parlamentu Nasional nudar orgaun fiskalizador;
4. Eziste dezintendimentu iha ezersísiu funsaun sira entre ADN ho Kompanhia sira relacionadu ho prosesu implementasaun kona ba projetu sira;
5. Nesesáriu nafatin involve autoridade suku ho komunidade iha prosesu dezenvolvimentu infraestrutura básica sira liu husi PNDS;
6. Nesesáriu atu kria mapeamentu kona ba projetu sira iha Munisípiu Ermera;
7. Iha informasaun katak eziste projetu emergênsia balun ne'ebe foin assina iha tinan 2020 maibe submete hotu iha projetu emergênsia 143;

INTERVENÇÕES HUSI AUTORIDADES RELEVANTES SIRA

Hatan ba kestaun levantadu sira husi Membru Deputados sira, Adjuntu Presidente Munisípiu Ermera ho nia estrutura apresenta informasaun sira relacionadu ho progresu servisu sira, desafiu sira no obstáculo enfrentada sira mak hanesan:

- 1) Adjuntu Administrador iha nia intervensaun hato'o pedidu no preokupasaun sira bazeia ba situasaun atual enfrentada sira hanesan tuir mai:
 - a. Munisípiu Ermera liu-liu Postu Administrativu Gleno persija atendimento urgente ba edifísiu Escola Técnico Cafe (ETCI), tamba iha ameasa husi mota;

- b. Implementa konstrusaun hodi proteje komunidade nia uma husi mota ne'ebe fo ameasa ba uma komunidade, tamba falta deit distançia metru 1-2 ba komunidade nia uma;
 - c. Estrada ligasaun entre Suco Lauala ho Postu Administrativu Ermera kotu provokada husi volume udan ne'ebé bo'ot, nune'e rekere atendimento imediatu hodi halo rekonstrusaun ba estrada refere hodi reativa fali movimentasaun entre komunidade.
- 2) Intervensaun husi Diretor Planeamentu Munisípiu Ermera ne'ebe introdus informasaun sira ligadu ho planu PDIM mak hanesan:
 - a. Elaborasaun planu ba projeto sira PDIM 2017 por volta projeto 50 inkluindu postu administrativu hotu;
 - b. Elaborasaun planu ba projeto sira iha tinan 2019 hamutuk projeto 60;
 - c. Bazeia ho planu elaborasaun ba projet sira PDIM tinan 2020 iha projeto 70 ne'ebe fahe tiha ba kada setorial, maibe ba autoridade hetan projeto 6 deit;
 - d. Téknikamente enjinheiru lokal sira kontinua fó apoiu no koopera ho Governu Sentral hodi halo kontrolu ba projeto FI ho LM (Linha Ministeriais), ne'ebe nesesita ezersísiu kona ba avaliaun ba projeto sira ne'e, tamba dala barak la responde ba komunidade nia nesesidade no prioridade sira ne'ebe efetivu no sustentável;
 - e. Projeto FI no LM dala barak hamosu problema kona ba rai, ne'ebé mak nesesita atu rezolve no indemniza. Situasaun ida ne'e fó pezu ba autoridade sira atu rezolve, tamba projeto nia prosesu aprovizionamentu tomak halao direta husi Governu Sentral.
- 3) Intervensaun husi Diretor SAS mak hanesan:
 - a. Projeto PDIM 2020 ne'ebe aloka ba SAS iha Projeto 4, konstituidu husi projeto prefurasaun be'e 2 iha Gleno, Fatuqueiro no Riheu;
 - b. SAS nia planu ba 2021, iha projeto 10 ne'ebe sei implementa iha Postu Administrativu 5, no husi projeto sira ne'e konstitui husi PDIM 5 no husi UNDP 5.
 - c. Eziste dezintendimentu entre kompanhia ho ADN ligadu ho projeto prefurasaun be'e.
 - d. Menus facilidade sira kona ba motorizada ho viatura adekuadu sira, hodi ezerse sira nia funsaun ho diak respeitante ho kontrolu no monitorizasaun projeto sira. Nune'e mos kombustível ba viatura no motorizada sira iha Dolar 300 kada fulan;

- e. Atualmente eziste suku balu mak sidauk hetan asesu ba be'e-mos inklui mínimu kapasidade hodi halo jestaun ba be'e-mos;
 - f. Maioria uma-kain iha vila laran sidauk utiliza sistema kontadores prepago no tuir planu governu sei sosa kontador 720 ba vila laran no planu ba tinan 2022 sei monta kontador iha postu administrativu sira.
- 4) Diretor Obras Pública iha nia intervensaun komunika informasaun sira mak hanesan:
- a. Estrada ligasaun Railaco, Ermera no Hatolia kuaze atinji 100% ona;
 - b. Apela ba Komisaun E katak rekere kontinuasaun ba implementasaun projeto protesaun Mota Fatuquero iha Gleno, implementadu husi Kompanhia Salimagu, Unipessoal Lda;
 - c. Kompanhia Holgapa, Unipessoal Lda. kontinua halao atividade ba projeto Rehabilitation of Roads, Road Section: Hatolia-Samara Roads (5.450 M);
 - d. Menus funzionário iha Gabinete Diretor Obras Pública Munisípiu Ermera, tamba atualmente eziste funzionáriu 1 deit kolokadu iha Gabinete Diretor Obras Pública;
 - e. Rekere wainhira prosede prosesu rekrutamentu foun ba tékniku sira tenki tékniku ne'ebe mak adekuadu;
 - f. Menus fasílidade sira ba viatura, motorizada, komputador no ekuipamentu tékniku kconsekuentemente fo impaktu ba garante kualidade prestasaun servisu sira.
- 5) Representante técnico PNDS comunica informações hira mak hanesan:
- a. Implementasaun Projetu PNDS 2019-2020 responde duni nesesidade ba suku 28 tuir pedidu husi konselho suku;
 - b. Akordu ho Dekretu Lei ba PNDS so bele atende deit ba Projetu sira ho eskala ki'ik, maibe labele responde ba projeto ne'ebe mak ho eskala bo'ot ho maior komplexidade;
 - c. Ho orsamento ba PNDS ne'ebé limitadu, hamosu deskontentementu no insatisfasaun entre aldeia sira tumba iha suku balun mak iha aldeia to'o sanulu;
 - d. Parte PNDS kontinua apresenta política programa Governu nian ba komunidade relasiona ho dezenvolvimento infrastrutura bázika iha Suku sira.

- 6) Representante Tékniku EDTL hato'o informasaun sira mak hanesan:
- Eziste implementasaun projetu eletrisidade ne'ebe mak parte EDTL munisípiu Ermera laiha konhecimentu tamba projetu refere hetan despashu direta husi governo sentral;
 - Implementasaun rin eletrisidade la elijive tamba hatur deit iha rai lolon.
- 7) Diretor ADN hato'o informasaun hirak mak hanesan:
- Total Projetu PDIM ba tinan 2019 iha projetu 12 ho diskrisaun hanesan: Postu Administrativu Railaco iha projetu 4, Hatolia 3, Atsabe 4 no Gleno 1.
 - Husi total numéru ne'e, projetu 10 mak atinji ona 100% ne'ebe sei dezagrega hanesan tuir mai: projetu 2 mak falta deit rekomendasaun pagamentu ba retensaun 10%, projetu 6 foin mak atu prosesu pagamentu 100%. Restante projetu 2 ne'e sei iha faze implementasaun, mak hanesan: Escola Sekundária Técnica Vokasional Gleno nia estatutu on going hela, no projetu kontinuasaun konstrusaun be'e-mos Suku Lihu, Postu Administrativu Railaco nia estatutu sei paradu hela, tamba kompanhia la koopera ho ekipa tékniku ADN no PDIM ne'ebe rekomenda ba kompanhia hodi troka material balun ne'ebe mak la priense spesifikasiadaun material;



Delegasaun Komisaun E halao reuniaun ho Autoridade Munisípiu Ermera iha Sala Reuniaun CNE Gleno-Munisípiu Ermera, 24 Novembru 2020. (Doc.KI 2020)

V.2 Vizita Edifísiu MOP

Depois de enkontru ho Autoridade relevante sira iha sala reunião CNE, Komissão E kontinua halo vizita ba Edifísiu MOP no SAS. Vizita hodi observa direta ba kondisaun servisu nomos rekolha informasaun sira relativamente ho dezafiu no obstákuu enfrentada sira durante ezerse funsaun nudar servidor mákina estadu nian ba atendimento público.

Iha edifísiu MOP Komisaun observa katak edifísiu ba MOP akomoda mos servisu tékniku PNDS husi Ministériu Estatal, inklui menus fasílidade ba servisu apoiu tékniku nian iha kategoria kapital menor hanesan meja, kadeira no komputador, no mos iha sala eskritóriu PNDS ligadu iha divizaun Planeamentu no Dezenvolvimentu Integradu ho sala Diretor Obras Públicas.



Delegasaun Komisaun E halao vizita ba Edifísiu MOTPC iha Kapital Gleno, Munisípiu Ermera, 24 Novembru 2020. (Doc.KI 2020)

V.3 Vizita Edifísiu SAS

Tuir mai Delegasaun kontinua vizita ba Edifísiu SAS, hodi observa direta situasaun ho kondisaun servisu iha SAS. Iha vizita refere Delegasaun hetan esplikasaun relacionadu ho servisu atendimento público no kona ba mapa sistema be'e-mos iha área urbanu Gleno inklui prefurasaun foun fatin 2 iha Riheu no Fatuqueiro husi projetu PDIM 2019. Iha biban refere, Diretor SAS ho funzionáriu público no ajente kontratadu sira hato'o mos lamentasaun no preokupasaun sira mak hanesan:

1. Maioria husi funzionáriu SAS iha Munisípiu Ermera ho nível 1 to' o 3 deit, nível 4-5 nain 2 deit;
2. Menus kapasitasaun ba tékniku professional sira, hanesan treinamentu iha rai-liur no rai-laran ho durasaun temp ne'ebe limitadu tebes;
3. Funzionáriu sira preokupa ho sira nian respetivu statutu ligadu ho dekretu lei foun kona ba kria Autoridade Nasional para Água e Saneamentu-Institutu Públigu no Be'e Timor-Empreza Públika;
4. Nesesidade orsamentu adisional hodi suporta servisu públigu tamba orsamentu ba SAS tinan-tinan nia ezekusaun sempre menus;
5. Kanalizasaun ilegal husi komunidade nafatin infrenta iha Munisípiu Ermera.



**Delegasaun Komisaun E halao vizita ba Edifísiu SAS iha Kapital Gleno, Munisípiu Ermera,
24 Novembru 2020. (Doc.KI 2020)**

V.4 Vizita Edifísiu EDTL

Iha Edifísiu EDTL Komisaun observa no rekrolha informasaun sira mak hanesan:

1. Eziste implementasaun projetu eletrisidade husi Kompanhia balun sem konhesimentu husi parte EDTL Munisípiu, tamba projetu sira ne'e hetan despashu direta husi Governu Sentral;
2. Atualmente Tékniku EDTL falta fasílidade ekipamentu elétriku hodi ezerse funsaun operasional iha terenu hanesan, ligasaun rede elétrika baixa tensaun no possibilidade

akontese fiu rumá kotu tamba dezastre naturais. Fasílidade ne'ebe sidauk iha ká menus mak hanesan, kapaseti seguransa, sintu seguransa, farda ba seguransa, botas borasha, luvas, eskada besi, katrol no seluk tan.



Delegasaun Komisaun E halao vizita ba Edifísiu EDTL iha Kapital Gleno, Munisípiu Ermera, 24 Novembru 2020. (Doc.KI 2020)

V.5 Vizita Projetu Rehabilitasaun Estrada Ermera – Fatu-Besse

Nome do Projeto	Reabilitação Estrada Ermera-Fatubesi KM 11+810 Km
Dono de Projeto/Obra	MOP
Companhia	NGO ERA
Montante Orçamento	USD
Número de Contrato	
Data de Início de contrato	-
Duração do Contrato	-
Fiscalização/ Supervisão	JV KCI,KECC, LASA
Execução Física (%)	45%
Pagamento (%)	0%
Localização (Município, Posto Administrativo)	Ermera, Hatulia

Iha fiskalizasaun ba projetu Rehabilitasaun Estrada Ermera–Fatu-Besse observa katak iha rai lolon balun ne'ebe besik iha komunidade nia uma monu kausa husi atividade kona ba alargamentu estrada. Tuir observasaun Komisaun, persija konstrooi moru protesaun hodi asegura no proteje rai monu ne'ebe fó risku ba uma komunidade no utente/utilizador estrada sira. Tamba

ne'e, konstrusaun moru protesaun tenki ho baze analiza estudu tékniku ba estrutura no dezenhu dimensaun tenki bazeia ba kondisaun real iha terenu, laos halo konstrusaun tamba orsamentu limitadu.



Kondisaun rai monu kauza husi alargamentu estrada ligasaun Ermera-Vila ba Fatu-Besse ne'ebe sai pontu atensaun ba Delegasaun Komisaun E iha fiskalizasaun ba Munisípiu Ermera, 24 Novembru 2020. (Doc.KI 2020)

V.6 Visita Projetu Konstrusaun Foun Gabiaun Mota Fatu-Quero

Nome de Projeto	New Construction of Gabions (Gomai River Fatu Quero)
Dono de Projeto/Obra	MOP
Companhia Adjudicatária	Salimagu Unip, Lda.
Valor do Contrato	USD
Número de Contrato	
Data de Início de contrato	-
Duração do Contrato	-
Fiscalização/ Supervisão	
Execução Física (%)	94.7%
Pagamento (%)	%
Localização (Municipio, Posto Administrativo)	Ermera Villa

Vizita ba Projetu Konstrusaun Foun Gabiaun Mota Fatu-Quero konsidera importante tamba projetu refere tama mos iha lista projeto 143 ho kategória emergênsia ne'ebe implementa iha tinan 2017 fulan Julhu. Tuir observasaun Komisaun E iha terreno nota katak projetu refere bele

hateten nia implementasaun atu responde duni ba situasaun de emerjênsia ho razaun mota refere fo’o ameasa ba rai no uma komunidade inklui edifísiu públiku sira ne’ebé besik iha area mota. Observa ba situasaun refere Kompanhia Salimagu Unipesoal, Lda. simu instrusaun husi parte Governo liu husi Ministério Obras Públika hodi ezekuta imédiata konstrusaun barajen nune’e labele fo risku no prezuiju ba povu ho estadu.



Kondisaun Projetu Konstrusaun Gabiaun Mota Fatu-Quero ne’ebé persiza kontinuasaun hodi proteze uma komunidade ho edifisiu públiku ne’ebé lokaliza iha área refere. Munisípiu Ermera, 24 Novembru 2020. (Doc.KI 2020)



Delegasaun Komisaun E akompanhadu husi Diretor Obras Públika Munisípiu Ermera halo observasaun ba Projetu Konstrusaun Gabiaun Mota Fatu-Quero PA Railaco, Munisípiu Ermera, 24 Novembru 2020. (Doc.KI 2020)

VI. KONKLUZAUN

Bazeia ba rezultadu vizita hanesan deskreve iha leten, maka Komisaun bele hatoo'o konkluzaun hanesan tuir mai:

1. Maioria finansiamentu ba investimentu sira projetu PNDS iha Munisípiu Ermera responde duni ba nesesidade ho prioridade husi suku ne'ebe introdus política kona ba dezenvolvimentu lokal no rural;
2. Projetu husi PNDS so subsidia ba projetu sira infraestrutura ho eskala ki'ik tuir identifikasiasaun prioritárius komunidade lokal tamba simplisidade ba komunidade nia kapacidade atu implementa.
3. Iha desintendimentu entre komunidade iha aldeia ligadu ho orsamentu ba infraestrutura, maibe iha mos preokupasaun sira no ezijênsia husi komunidade relasiona subsídu ne'ebe ki'ik labele responde hotu nesesidade aldeia hotu tamba iha suku balun mak iha aldeia to'e sanulu resin;
4. Menus fasilidade sira hanesan motorizada, viatura no apoiu combustível ne'ebe suficiente, implika tebes ba apoiu servisu atendimento público mákina estadu iha Munisípiu Ermera, prinsipalmente asistênsia téknika monitorizasaun no kontrolu projeto, atendimento emergênsia ba problema eletricidade inklui asegura azistênsia no disponibilidade servisu universal ba distribuisaun be'e-mos.
5. Be'e-mos esensial tebes ba manutensaun moris no ba dezenvolvimentu meiu ambiente nomos kontribui ba valor ekonómiku, maibe atualmente eziste suku balun mak sidauk hetan asesu ba be'e-mos nomos mínimu kapasidade hodi halo jestaun ba be'e-mos;
6. Maioria uma kain iha vila laran sidauk utiliza sistema kontador prepago no tuir planu Governu sei sosa kontador 720 ba vila laran no planu ba tinan 2022 sei monta kontador iha postu administrativu sira.

VII.REKOMENDASAUN

Haktuir ba konkluzaun iha leten, maka Komisaun hakarak apresenta rekomendasau sira hanesan tuir mai:

1. Kontinua asegura koordenasaun no implementasaun projetu PNDS sira ba dezenvolvimentu iha suku inklui asugura kontinuidade ezekusaun projetu inisiadu sira ne'ebe mak finansia ona husi Estadu;

2. Reavalia no verifika rekezitu valor subsídui sira ne'ebe atu atribui ba estrutura suku sira ho baze klasifikasiakaun lokalidade;
3. Nesesáriu atu kontinua nafatin involve autoridade suku ho komunidade iha prosesu dezenvolvimentu infraestrutura básica sira liu husi PNDS;
4. Autoridade Nacional para Água e Sanemaneto-Instituto Público (ANAS-IP), husu atu asegura nafatin ezistênsia no disponibilidade distribuisaun be'e-mos, kriasaun grupu jestau sira ne'ebe la prejudika direitu intervensaun estadu fora husi área urbana sira;
5. Rekomenda ba ANAS-IP atu melhora ezersísiu kona ba promove aplikasaun política tarifária ba servisu prestadu abastesimentu sira kona ba be'e-mos hanesan kustu finansiamentu no manutensaun;
6. Nesesáriu ba Ministériu Obras Pública ho ministériu relevante sira atu elabora informasaun detalhadu kona ba projetu implementadu hotu iha munisípiu Ermera inklui kria mapeamentu kona ba projetu sira iha Munisípiu Ermera;
7. Melhora koordenasaun ho komunikasaun entre ADN ho kompanhia sira iha âmbitu implementasaun projetu, nune'e mos kontinua asegura kualidade akompanhamentu tékniku ho profisional iha prosesu implementasaun projeto sira;

VIII. APROVAÇÃO.

Relatório Fiskalizasaun iha Munisípiu Ermera edisaun 24 – 26Novembru 2020 hetan ona aprovasaun Komisaun, liu husi reuniaun ordinariu iha loron Kuarta, 13 Janeiru 2021, tuku 10:00 óras Timor Leste. Prosesu aprovasaun hetan partisipasaun husi membrus Komisaun 9 ho rezultadu aprovasaun: Afavor: SIA – Kontra: ZERO– Abstensaun:ZERO.

Díli, Parlamentu Nasional, 13 Janeiru 2021

Prezidente Komisaun,

Relatora,

Deputadu Abel Pires da Silva, PhD

Deputada Maria Ana Bela Savio

